

# Polisi Mynediad Ysgolion

## YSGOL CYBI

Dyddiad o adnabyddiaeth o bolisi Cyngor Sir Ynys Môn gan y Corff Llywodraethu  <i>(bydd hefyd angen cofnodi hyn yng nghofnodion y cyfarfod lle cafodd ei dderbyn a'i fabwysiadu)</i>	20/10/21
Cadeirydd y Llywodraethwyr (llofnod)	
Pennaeth (llofnod)	

Cyhoeddwyd Medi 2020

Gwybodaeth Gyffredinol ynglŷn â Pholisiau a Threfniadau'r Awdurdod

## 1. CYFLWYNIAD

Mae'r ddogfen hon yn rhoi gwybodaeth i rieni am bolisiau a threfniadau addysgol Awdurdod Lleol Môn yn unol â'i ddyletswydd dan ddeddf Safonau a Fframwaith Ysgolion 1998, sy'n sefydlu fframwaith cyfreithiol ar gyfer mynediad i ysgolion. Bwriad y fframwaith yw sefydlu trefniadau sy'n:

- Eglur, yn wrthrychol ac yn rhoi cyfle teg i bob plentyn gael lle boddhaol mewn ysgol;
- Rhoi gwybodaeth lawn i alluogi dewis gwybodus;
- Sicrhau gweithdrefnau mynediad lleol sydd wedi eu cydlynu'n dda ac sy'n hawdd i'w dilyn, gyda'r lleiafswm o fiwrocratiaeth, sy'n rhoi cyfle i rieni gael eu hysgol ddewisol;
- Sicrhau hawl statudol ac effeithiol i apelio os na chaiff rhieni eu bodloni.

Mae Polisi Mynediad yr Awdurdod Lleol yn cydymffurfio â gofynion Deddf Cydraddoldeb 2010, Deddf Hawliau Dynol 1998 a'r Mesur Hawliau Plant a Phobl Ifanc (Cymru) 2011, ac nid yw'n gwahaniaethu ar sail anabledd; ailbennu rhywedd; beichiogrwydd neu famolaeth; hil; crefydd neu gred; rhyw neu gyfeiriadedd rhywiol yn erbyn unigolyn dan drefniadau a phenderfyniadau'r awdurdod mynediad ynghylch pwy y cynhigir mynediad iddynt.

Gellir cael copïau o'r dogfennau hyn yn rhad ac am ddim drwy;

- Ffonio'r Gwasanaeth Dysgu ar 01248 752901
- E-bostio [addysg@ynysmon.gov.uk](mailto:addysg@ynysmon.gov.uk)
- Ymweld â gwefan yr Awdurdod Lleol [www.ynysmon.gov.uk](http://www.ynysmon.gov.uk)
- Ymholi mewn unrhyw ysgol a gynhelir gan yr Awdurdod Lleol

Ysgolion sy'n derbyn bechgyn a merched fel ei gilydd yw holl ysgolion Môn. Mae'r holl ysgolion uwchradd yn ysgolion cyfun cymunedol 11-18 oed. Ysgolion cymunedol yw'r mwyafrif o'r ysgolion cynradd hefyd ond mae un ysgol wirfoddol a gynorthwyr sydd â chyswllt â'r Eglwys Gatholig (Ysgol Santes Fair, Caergybi) ac un ysgol sefydledig (Ysgol Caergeiliog).

Yr Awdurdod Lleol yw'r awdurdod mynediad ar gyfer y 5 ysgol uwchradd ac ar gyfer 38 o'r

40 ysgol gynradd ym Môn. Y corff llywodraethol perthnasol yw'r awdurdod mynediad ar gyfer Ysgol Santes Fair, Caergybi ac Ysgol Caergeiliog.

Er bod yr wybodaeth yn y ddogfen hon yn gywir ar amser ei chyhoeddi, mae'n bosib y bydd newidiadau yn y Gwasanaeth Dysgu a fydd yn effeithio ar drefniadau'r Awdurdod Lleol yn ystod y flwyddyn dan sylw neu mewn blynyddoedd i ddod.

## **2. MYNEDIAD**

### **Addysg Feithrin Gyn Ysgol Rhan Amser (a elwir weithiau yn Gylch Meithrin)**

Mae gan blant hawl i 10 awr yr wythnos o Addysg Gynnar ddi-dâl o ddechrau'r tymor yn dilyn eu 3ydd pen-blwydd am weddill y flwyddyn academiaidd. Gan bartneriaid y cynhigir lleoedd yn yr ysgolion gwirfoddol a gynorthwyir ac mewn darpariaeth feithrin breifat. Mae rhestr gyflenwyr ar gael drwy wefan Mudiad Meithrin [www.meithrin.cymru/chwilio-am-gylch/](http://www.meithrin.cymru/chwilio-am-gylch/)

Yn ogystal â 10 awr o addysg gynnar, bydd rhieni'n gymwys am 30 awr o ofal plant mewn lleoliad. Arolygiaeth Gofal Cymru cofrestredig os ydy'r ddau riant/gofalwr yn gweithio am 16 awr neu fwy bob wythnos. Am fwy o wybodaeth, cysylltwch ag Uned Gofal Plant Gwynedd a Môn ar 01248 352436 neu e-bostiwrch [30hourchildcare@gwynedd.llyw.cymru](mailto:30hourchildcare@gwynedd.llyw.cymru).

### **Dosbarth Meithrin Ysgol Rhan Amser**

Mae'r Awdurdod yn cynnig addysg feithrin rhan amser (10 awr yr wythnos) yn rhad ac am ddim i blant am flwyddyn academiaidd lawn yn dilyn eu 3ydd pen-blwydd - gan amlaf mewn sesiwn fore neu brynawn. Mewn ysgolion sydd â sesiwn fore a phrynawn nid oes hawl cyfreithiol gan rieni i ddewis pa sesiwn gall eu plentyn fynychu. Ar hyn o bryd, mae 37 o ysgolion cynradd ym Môn yn cynnig addysg feithrin rhan amser - gweler Atodiad II am restr lawn.

Dylid nodi:

- Os yw plentyn yn mynychu Cylch Meithrin am fwy na 10 awr yr wythnos, mae'n bosib y bydd y Cylchoedd yn codi ffi am yr oriau ychwanegol yn unig;
- Os yw plentyn yn derbyn addysg feithrin mewn ysgol gynradd, nid oes hawl ganddynt i ddarpariaeth feithrin ddi-dâl mewn Cylch Meithrin hefyd.

### **Dyddiadau'r tymhorau (er pwrpas y Meithrin)**

Tymor yr Hydref – 1af Medi 2020 – 31ain Rhagfyr 2020

Tymor y Gwanwyn – 1af Ionawr 2021 – 31ain Mawrth 2021

Tymor yr Hydref – 1af Ebrill 2021 – 31ain Awst 2021

Dylid nodi dan reolau Llywodraeth Cymru nad yw penderfyniad i roi mynediad i blentyn i ddosbarth meithrin mewn ysgol nac ychwaith ydy mynychu cylch meithrin gwirfoddol lleol yn gwarantu lle yn y dosbarth derbyn.

### **Dosbarth Derbyn Llawn Amser**

Mae'r Awdurdod yn cynnig lle llawn amser i blant mewn dosbarth derbyn yn y mis Medi yn dilyn eu pen-blwydd yn 4 oed. Lle cynigir lle, mae gan rieni'r dewis o ohirio mynediad eu plentyn nes ymlaen yn yr un flwyddyn ysgol hyd at y tymor yn dilyn pen-blwydd eu plentyn yn 5 oed.

Yr unig eithriadau i fynediad yn dilyn y pen-blwydd yn 4 oed fydd mewn achosion arbennig lle mae'r Awdurdod Lleol o'r farn y byddai peidio â chaniatáu mynediad cynnar yn rhwystro datblygiad cymdeithasol ac/neu addysgol y disgybl yng nghyd-destun Deddf Plant 1989 neu'r Rhestr Amddiffyn Plant.

### **Ysgolion Uwchradd**

Derbynnir disgyblion i ysgolion uwchradd yr Awdurdod Lleol gan amlaf yn y mis Medi yn dilyn eu pen-blwydd yn 11 oed. Yr unig eithriadau i fynediad yn y mis Medi yn dilyn eu pen-blwydd yn 11 oed fydd mewn achosion arbennig lle mae'r Awdurdod Lleol o'r farn y byddai rhwystr i ddatblygiad cymdeithasol ac/neu addysgol y disgybl drwy beidio â'u trosglwyddo i'r ysgol uwchradd 12 mis cyn yr oed mynediad arferol neu drwy beidio â'u cadw yn yr ysgol gynradd am 12 mis yn hwyrach na'r oed trosglwyddo arferol.

### **AWDURDODAU MYNEDIAD**

Yr Awdurdod Lleol yw'r awdurdod mynediad ar gyfer 5 ysgol uwchradd a 38 ysgol gynradd ym Môn ac mae'n gyfrifol am wneud penderfyniadau ar fynediad. Nid oes gan Benaethiaid yr ysgolion hyn unrhyw rôl yn y broses fynediad ac ni fyddent yn trafod argaeledd lleoedd.

Rhaid cyflwyno'r ceisiadau'n electronig drwy ymweld â gwefan yr Awdurdod Lleol [www.ynysmon.gov.uk](http://www.ynysmon.gov.uk) a chwilio am "Mynediad i Ysgolion".

Dylid nodi bod rhaid gwneud cais am fynediad i ddosbarth derbyn ar gyfer plant sy'n mynychu dosbarth meithrin neu gylch meithrin lleol ar hyn o bryd.

- Rhoddir pob penderfyniad yn ysgrifenedig
- Ni fydd yr Awdurdod Lleol yn gallu trafod argaeledd lleoedd dros y ffôn na dros e-bost
- Trinnir bob dewis yn gyfartal
- Cewch eich cynghori'n gryf i ddatgan mwy nag un dewis gan fod posibilrwydd na fydd yr Awdurdod yn gallu cynnig eich dewis i chi. Os na all yr Awdurdod gynnig eich dewis i chi, ymdrinnir ag unrhyw ddewis newydd fel cais hwyr. Mae'n bosib na fydd yr Awdurdod Lleol yn gallu cynnig lleoedd i'r rhai sy'n hwyr yn gwneud cais os yw'r ysgolion hynny'n llawn yn barod.

### **Ysgol Santes Fair ac Ysgol Caergeiliog**

Gan mai'r Corff Llywodraethu yw'r Awdurdod Mynediad mewn ysgolion gwirfoddol a gynorthwyr, cyfrifoldeb Llywodraethwyr yr ysgolion yw mynediad i'r ysgol wirfoddol a gynorthwyr (Santes Fair) a'r ysgol sefydledig (Ysgol Caergeiliog) ym Môn.

Ceir manylion ynglŷn â pholisïau mynediad llawn yr ysgolion hyn gan y penaethiaid neu ar wefannau'r ysgolion.

### **Ysgol Santes Fair, Caergybi: 01407 763176 Pennaeth: Mr Richard Jones**

Polisi Mynediad ar gael drwy ddilyn: [www.ysgolsantesfair.co.uk/page/policies/49039](http://www.ysgolsantesfair.co.uk/page/policies/49039)

### **Ysgol Caergeiliog 01407 740619 Pennaeth: .....**

Polisi mynediad ar gael drwy ddilyn: [www.caergeiliogfoundationschool.co.uk](http://www.caergeiliogfoundationschool.co.uk) (o dan "Policies")

## GWNEUD CAIS

Pryd i wneud cais:

Mynediad i:	Ffurflenni cais ar gael	Dyddiad cau derbyn ceisiadau	Dyddiad hysbysu rhieni
Cynradd – Dosbarth Meithrin	Medi 2020	01/02/2021	16/04/2021
Cynradd – Dosbarth Derbyn	Medi 2020	01/02/2021	16/04/2021
Uwchradd (Blwyddyn 7)	Medi 2020	20/12/2020	01/03/2021
Ysgol Santes Fair	Medi 2020	01/02/2021	Gan yr ysgol
Caergeiliog	Medi 2020	01/03/2021	Gan yr ysgol

Mae'n hanfodol bod rhieni'n ymgeisio erbyn y dyddiadau cau gan y cynigir lleoedd i'r rheini sydd wedi ymgeisio ar amser cyn unrhyw geisiadau hwyr, hyd yn oed os yw'r ceisiadau hwyr o'r dalgylch.

Fodd bynnag, dan amgylchiadau eithriadol (e.e. salwch), gall yr Awdurdod ystyried ceisiadau hwyr sy'n cyrraedd cyn y gwneir cynigion fel petaent ar amser. Bydd yr Awdurdod Lleol yn ystyried ceisiadau hwyr mor fuan â phosib mewn llwythi.

## Dyraniad Lleoedd

Mae'r Awdurdod Lleol wedi adnabod ardal ddaearyddol benodol ar gyfer bob ysgol, a elwir yn ddalgylch. Mae dalgylchoedd ysgol yn dylanwadu ar weithdrefnau mynediad a pholisïau cludiant ysgolion, fodd bynnag, nid yw byw o fewn dalgylch arbennig yn gwarantu lle yn ysgol yr ardal honno. Gellir gweld mapiau sy'n dangos ffiniau'r dalgylchoedd gan y Gwasanaeth Dysgu neu yn yr ysgol.

Mae disgyblion gan amlaf yn mynychu'r ysgol yn y dalgylch y maent yn byw ynddi a lle bydd yr Awdurdod Lleol wedi creu darpariaeth gan ystyried llety, staffio ac adnoddau eraill gan gynnwys cludiant ysgol.

Wrth wneud cais am le mewn ysgol uwchradd, dylai rhieni fod yn ymwybodol mai cyfeiriad y cartref sy'n dynodi'r dalgylch ysgol uwchradd yn hytrach na pha ysgol gynradd a fynychwyd

gan eu plentyn. Mae hyn yn effeithio ar a yw cludiant ysgol yn ddi-dâl neu beidio i ddisgyblion.

Trefnwyd bob ysgol gynradd a restrir yn Atodiad II yn ôl dalgylch ysgol uwchradd. Mae bob ysgol uwchradd yn Atodiad I wedi ei rhestru gyda'r ysgolion cynradd sy'n gweini ei dalgylch.

Pan fydd rhiant yn rhoi gwybodaeth dwyllodrus neu wybodaeth fwriadol gamarweiniol er mwyn cael lle mewn ysgol ar gyfer eu plentyn, mae gan yr Awdurdod yr hawl i dynnu'r cynnig yn ei ôl. Lle tynnir lle yn ôl, gellir ailgyflwyno'r cais ac os caiff ei wrthod, mae gan y rhiant yr hawl i apelio yn erbyn y penderfyniad.

Bydd yr Awdurdod Lleol yn cydymffurfio â dewis rhieni nes cyrraedd Rhif Mynediad yr ysgol. Mae'r Rhif Mynediad yn adlewyrchu gallu ysgol i dderbyn plant ar sail arwynebedd llawr yr ysgol a gyfrifir yn defnyddio fformwla Llywodraeth Cymru y mae'n rhaid ei pharchu.

Dim ond dan amgylchiadau eithriadol gall yr Awdurdod roi mynediad i blant dros y Rhif Mynediad, a hynny os na fydd y mynediad yn effeithio'r ysgol er gwaeth yn y tymor byr a'r tymor hir, a heb gael effaith niweidiol ar ysgolion cyfagos. Mae deddfwriaeth yn cyfyngu niferoedd dosbarthiadau i 30 os yw'r rhif mynediad wedi ei gyrraedd yn nosbarthiadau'r babanod.

Os yw'r nifer o geisiadau am fynediad i unrhyw grŵp blwyddyn yn llai na Rhif Mynediad yr ysgol honno, bydd yr awdurdod mynediad yn derbyn yr holl ddisgyblion sydd wedi gwneud cais am fynediad.

Pan fydd mwy o geisiadau na lleoedd ar gael mewn ysgol, bydd yr Awdurdod Lleol yn asesu pob ymgeisydd yn erbyn y Meini Prawf Gordanysgrifio ac yn dyrannu'n unol â hynny.

### **3. GORDANYSGRIFIO**

(Ar gyfer Ysgol Santes Fair ac Ysgol Caergeiliog, cyfeiriwch at eu polisiau mynediad nhw)

Os oes unrhyw ysgol wedi'i gordanysgrifio, defnyddir y meini prawf canlynol i flaenoriaethu ceisiadau:

1. Plant mewn gofal a phlant sydd wedi bod mewn gofal yn flaenorol
2. Disgyblion a argymhellir i'w lleoli yn yr ysgol gan Wasanaethau Cymdeithasol neu Swyddog Meddygol y Sector oherwydd eu hanghenion meddygol neu seicolegol, neu lle mae datganiad Anghenion Addysgol Arbennig (AAA) plentyn yn enwi ysgol benodol
3. Disgyblion sy'n byw o fewn dalgylch yr ysgol sydd â brawd neu chwaer eisoes yn mynychu'r ysgol ac a fydd yn dal ar gofrestr yr ysgol pan fydd y plentyn ar fin dechrau
4. Disgyblion sy'n byw yn nalgylch yr ysgol

5. Disgyblion sy'n byw y tu allan i ddalgylch yr ysgol sydd â brawd neu chwaer eisoes yn mynychu'r ysgol ac a fydd yn dal i fod ar gofrestr yr ysgol pan fydd y plentyn ar fin dechrau
6. Disgyblion nad ydynt yn byw yn nalgylch yr ysgol uwchradd ond sydd wedi mynychu ysgol gynradd sydd yn nalgylch yr ysgol. (Mae'r maen prawf hwn yn berthnasol i geisiadau i ysgol uwchradd yn unig)
7. Disgyblion sy'n byw tu allan i'r dalgylch

Os yw'r plentyn yn rhannu ei amser rhwng y ddau riant, cyfeiriad cartref plentyn at ddiben mynediad yw'r cyfeiriad ble mae ef/hi yn treulio'r rhan fwyaf o'r wythnos ysgol. Dylai rhieni sicrhau y caiff y Gwasanaeth Dysgu ei hysbysu ynghylch unrhyw newidiadau cyfeiriad cyn ac ar ôl y dyddiad cau. Gellir tynnu cynnig am le yn ei ôl os canfyddir nad yw'r cyfeiriad a roddwyd yn ddilys.

Caiff pob pellter ei fesur yn ôl y pellter cerdded byrraf o ddrws blaen yr adeilad sy'n gartref i'r plentyn at fynedfa gydnabyddedig agosaf yr ysgol, a gaiff ei fesur gan ddefnyddio systemau mapio digidol yr Awdurdod. Ni chaiff disgyblion o du allan i'r Awdurdod Lleol eu trin yn llai ffafriol na disgyblion o Ynys Môn wrth ddefnyddio'r meini prawf pellter.

Mae'r term 'brawd' neu 'chwaer' yn cynnwys hanner brawd/chwaer, llys frawd/chwaer, plant sydd wedi cael eu mabwysiadu a phlant maeth sy'n byw yn yr un teulu.

Mewn unrhyw achosion o efeilliaid neu enedigaethau lluosog eraill lle gall yr Awdurdod ond cynnig rhai o'r lleoedd sydd eu hangen, gall y rhieni dderbyn y lleoedd sydd ar gael neu eu cadw ar agor hyd 30ain o Fedi yn y gobaith y bydd lleoedd eraill yn dod ar gael o blith y rhestr aros.

### **Ceisiadau aflwyddiannus**

Bydd yr awdurdod addysg perthnasol yn cynnal rhestr aros o ymgeiswyr sydd wedi methu â chael lle yn eu hysgol ddewisol. Os nad oes lle yna'n dod ar gael yn yr ysgol, bydd plant yn cael eu derbyn o'r rhestr aros i gymryd unrhyw leoedd yn unol â'r meini prawf gordanysgrifio.

Ni fydd blaenoriaeth yn seiliedig ar y dyddiad y cafodd y cais ei ychwanegu at y rhestr.

Mewn achosion lle gwrthodir mynediad, gofynnir i rieni roi gwybod i'r awdurdod mynediad priodol yn ysgrifenedig os ydynt yn dymuno rhoi enw eu plentyn ar restr aros yr ysgol am leoedd. Bydd yr awdurdod mynediad priodol yn cynnal rhestr aros hyd at y 30ain o Fedi ym mlwyddyn y mynediad i'r ysgol.

Ni all yr Awdurdod Lleol roi unrhyw arwydd o'r tebygolrwydd o gael cynnig lle oddi ar restr aros.



## Apeliadau

Gall rhieni hefyd apelio i banel annibynnol yn erbyn penderfyniad yr awdurdod mynediad i beidio â rhoi mynediad i'r plentyn o fewn 15 diwrnod gwaith (10 diwrnod gwaith ar gyfer Santes Fair). Cynhelir gwrandawiadau apêl o fewn 30 diwrnod ysgol o'r apêl yn cael ei gyflwyno, a bydd rhieni'n cael eu hysbysu o'r penderfyniad o fewn 5 diwrnod gwaith ar ôl i'r Panel ystyried yr apêl.

Os yw rhieni sydd wedi cael gwrandawriad apêl yn credu bod y Panel wedi ymddwyn yn amhriodol neu'n afresymol wrth ymdrin ag achos, gall y rhieni wneud cwyn i'w ymchwilio i'r Comisiynydd dros Weinyddu Lleol (Ombwdsman yr Awdurdod Lleol) neu ymofyn am adolygiad barnwrol. Nid oes gan Lywodraeth Cymru unrhyw bŵer i ystyried cwynion yn erbyn penderfyniad paneli apêl annibynnol.

Nid oes hawl i apelio yn achos penderfyniad i wrthod lle rhan amser mewn dosbarth meithrin.

## Trosglwyddo a Symud Plant

Dylai rhieni sy'n dymuno trosglwyddo eu plentyn o un ysgol i un arall oni bai eu bod yn yr oed trosglwyddo arferol, neu pan fydd y teulu yn symud i gyfeiriad newydd, gyflwyno cais i'r Gwasanaeth Dysgu.

Mae gan yr Awdurdod 15 diwrnod ysgol ar ôl derbyn y cais i ymateb iddo.

Cynghorir rhieni i beidio â throsglwyddo eu plentyn yn ystod y flwyddyn ysgol er mwyn osgoi unrhyw ymyrryd ar eu cyrsiau ysgol.

Bydd y meini prawf mynediad a gordanysgrifio ar gyfer y meithrin, derbyn ac ysgolion uwchradd, fel y manylir uchod, hefyd yn berthnasol ar gyfer ceisiadau i drosglwyddo rhwng ysgolion yn ystod y flwyddyn ysgol.

## Ysgolion tu allan i Ynys Môn

Dylai rhieni sy'n dymuno gwneud cais am fynediad i ysgol tu allan i Fôn gysylltu ag Adran Addysg yr Awdurdod Lleol perthnasol ar gyfer yr ysgol honno am ragor o wybodaeth.

## Plant gydag Anghenion Dysgu Ychwanegol

Bydd yr Awdurdod Lleol yn ystyried pa ysgol yw'r un fwyaf priodol ar gyfer plant sydd angen cyfleusterau ac adnoddau arbenigol. Gwneir hyn mewn ymgynghoriad â'r teulu ac unrhyw asiantaeth berthnasol sy'n cefnogi'r plentyn. Lle bo'n briodol, bydd disgyblion ag anghenion dysgu ychwanegol yn cael eu haddysgu yn eu hysgol leol, ochr yn ochr â'u cyfoedion.

Ar gyfer disgyblion â datganiadau Anghenion Addysgol Arbennig (AAA) neu Gynllun Datblygu Unigol Awdurdod, byddent yn cael mynediad i'r ysgol sydd wedi ei henwi ar eu datganiad neu CDU.

Os ydych yn pryderu y gall fod gan eich plentyn anghenion addysgol arbennig, siaradwch â'r athro/athrawes dosbarth neu'r Cydlynnydd Anghenion Addysgol Arbennig. Gallwch hefyd gysylltu â swyddogion anghenion dysgu ychwanegol yr Awdurdod a fydd yn gallu darparu gwybodaeth i rieni plant oed ysgol a phlant cyn-ysgol. Gellir cysylltu â nhw ar 01286 679552.

### **Mynediad i'r Chweched Dosbarth**

Mae manylion pellach ar gael yn llawlyfrau blwyddyn 12/13 (chweched dosbarth) ysgolion unigol. Cysylltwch â'r ysgol os gwelwch yn dda.